



Uunga siunnersuut: Ikiaroorartut pillugit Inatsisartut inatsisaat.

(Meeqqanut, Inuusuttunut, Ilaqutariinnut Peqqisutsimullu Naalakkersuisoq)
(Siullermeerinnineq)

Matumuuna Naalakkersuisut ikiaroorartut pillugit Inatsisartut Inatsisaanut allannguutissamik saqqummiussipput. Inatsisartut 2019-mili Naalakkersuisunut peqqusisimmata piffissanngortorlu. Siunnersuutip siunertarisaasa isummerfiginissaannut periarfissaqaleratta nuannaarutigarpur.

Corona peqqutigalugu ulluinnaat allanngorsimanerisa kingunerisaanik suliap kinguartoorsimanera ilisimavarput.

Demokraatiniit inuit annerpaamik kiffaanngissuseqarsinnaanerat kissaatigigatsigu naqissuserusupparput, cannabis nioqqutissaani 0,2% tungaanut THC-mik akullit kiffaanngissuseqarfialugit pinerluttunngorsarneqaranilu atuisinnaanissaannut pisinnaatitaaffeqartoqalernissaa ammaffigialugit.

Uani aamma immikkut eqqarsaatigarpur nakkutilliineq allaffissornerlu pisisartunut suliffeqarfinnut aammalu peqqinnissaqarfimmur nioqqutissanik akiginiaasussanut aporfilersuisoqannginnissaa. Nalunaarusiaq sulii naammassineqannginnami allaffissornikkut eqaallisaanissaq qulakkeereertariaqarpur. Aammalu pitsaasumik atuutsilersinneqarnissaa anguniarlugu atuutsitsisussat suut pisariaqartinneraat ataatsimiitsitaliat aqutigalugit eqqartoqqittariaqarpur, siunnersuut akuerineqarnissaata tungaanut qularnaarinneqataasussat.

Kalaallit Nunaata politiivinit tusarniaanermut akissuteqaataat Naalakkersuisut ima oqaasertalerpaat:
“Naalakkersuisut politiit nalunaarutip, ikiaroorartut sorlerpiaat inatsimmi pineqarnersut pillugit erseqqissaasussap pingaaruteqassusaanik oqaaseqaataannut isumaqataavoq. Nalunaarummur missingiut ilaatigut politiinut tusarniaassutigalugu 2022-mi ukiakkut ataatsimiinissaq sioqqullugu nassiunneqassaaq, taamaalilluni nalunaarummur siunnersuut kingusinnerpaamik Inatsisartut inatsisissaattut siunnersuullu ataatsikkut akuerineqarnissaannut naammassisimassalluni.” Uani pingaaruteqarpoq naqissusissallugu Inatsisartut inatsisiliortuummata nalunaarusiamullu tusarniaanermut akissuteqarnissamut killeritinneqartoq aatsaat 22. september 2022 pimmat. Taamaattumik siunnersuutimit siunertarineqartut ataatsimiitsitaliamiit qulakkeerneqarnissaat pingaaruteqarpoq, aammalu allaffissornikkut allatigut kingunerineqartussat ersarissarnissaanut tunngatillugu.

Siunnersuut ukiakkut 2019-mi Inatsisartut ataatsimiinneranni eqqartorluarneqarsimavoq, sulilu Demokraatiniit isummagut attappagut nappaatit assigisaallu kingunerisaanik anniarnermut annikillisaataasinnaasunik inuunerinnerulersitsisinnaasumullu innuttaasut nioqqutissanik periarfissinneqassappata ajorinatigu.



Taamatut oqaaseqarluta siunnersuummut qujavugut ataatsimiitsitaliamilu susassaqartumut suliareqqinneqarnissaa innersuullutigu.